

28.02.2019
341-66

ՀՀ արդարադատության նախարարության աշխատակազմի
իրավաբանական անձանց պետական ռեգիստրի
գործակալության պետ Արմեն Առաքելյանին

Տեղեկատվություն ստանալու հարցում

Հարգելի պարոն Առաքելյան,

Ինֆորմացիայի ազատության կենտրոնն է դիմել քաղաքացի Սիլվա Բալայանը և խնդրել
աջակցել իրեն տեղեկություն ստանալու հարցում:

Սիլվա Բալայանը «ՀՀ արդարադատության նախարարության դատական ակտերի
հարկադիր կատարման ապահովման վարչություն» հիմնարկի վերաբերյալ
տեղեկատվություն ստանալու համար 2018 թվականին կատարել է սահմանված չափի
վճարումը և դիմել իրավաբանական անձանց գրանցման պետական ռեգիստր: Սակայն նրան
տրամադրել են միայն այն տեղեկությունները, որոնք կարելի է ստանալ անվճար՝ այցելելով
իրավաբանական անձանց գրանցման պետական ռեգիստրի պաշտոնական կայք:

Համաձայն ՀՀ Սահմանադրության 42-րդ և 51-րդ հոդվածների և «Տեղեկատվության
ազատության մասին» ՀՀ օրենքի 6-րդ հոդվածի՝ խնդրում ենք տրամադրել «ՀՀ
արդարադատության նախարարության դատական ակտերի հարկադիր կատարման
ապահովման վարչություն» հիմնարկի մասին տեղեկությունների ամբողջական փաթեթը, որը
տնօրինում է ձեր կառույցը՝ ներառելով ամբողջական տեղեկատվություն հիմնադրի,
գործունեության ոլորտի և գործառույթների վերաբերյալ:

Կից ներկայացնում ենք քաղաքացու կողմից արված վճարման անդորրագիրը:



Հարգանքով՝

ԻԱԿ նախագահ Շուշան Դոյդոյան